

Virgeoapmahašpoasta boahtá jagi 2026 álggu rájes ovdasajis elektrovnnalaččat – nuppástus guoská sullii guovtti miljovna olbmo

Jagis 2026 Suomi.fi-sániit boahtá atnui buot dievasahkásaččaide, geat dikšot áššiid digitálalaččat eaige leat vel váldán dan árabut atnui. Bálváluš boahtá atnui, go olmmoš duođašta identitehta vuosttas háve jagi 2026 áigge muhtun virgeoapmahačča elektrovnnalaš áššiiddikšunbálvalusas. Nuppástusa maŋŋá virgeoapmahašpoasta vuostáiváldá ovdasajis digitálalaččat badjel njealje miljovna olbmo.

Suomi.fi-sániid atnuiváldin lea evttohuvvon virgeoapmahaččaid áššiiddikšunbálvalusaide identitehta duođašteami oktavuodas mannan miessemánu rájes ja Suomi.fi-sániit leat dál geavahas badjel 2,2 miljovna olbmus.

”Jagi 2026 rájes bálváluš šaddá aktiivvalažžan maiddá daidda sullii guovtti miljovna olbmui, geat duođaštit iežaset identitehta nannosit almmolaš hálldahusa elektrovnnalaš áššiiddikšunbálvalusain, muhto geain ii leat vel ovdal leamaš Suomi.fi-dieđut geavahas. Sierra miehtan atnuiváldimii ii šat jerrojuvvo”, muitala **prošeaktahoavda Annette Hotari** Digi- ja álbmotdiehtodoaimmahagas. Suomi.fi-sániid atnui boahtimis mitaluvvo identitehta duođašteami oktavuodas.

Nuppástus ii goittotge guoskka olbmuid, geat eai geavat almmolaš hálldahusa elektrovnnalaš áššiiddikšunbálvalusaid, vuolleahkásaččaid dahje sin, geain lea ovdogohccin dahje geain lea fámoláš ovdogohcinfápmudus.

Muitte čuovvut iežat ođđa poastakássa

”Suomi.fi-sániit lea álbmotlahtu elektrovnnalaš poastakássa virgeoapmahašpoasttaide. Dohko bohtet poasttat mángga sierra virgeoapmahaččas ja dohko boahtti sániit buhtejit báberpoastta. Boahtteáiggis mánggat dehálaš reivet gávdnojit ovttá ja seamma bálváluš – johtilit ja vissásit. Suomi.fi-sániide sáhtá sáddet maiddá dakkár persovdnadieđuid sisttisdoalli sániid, maid ii oaččo sáddet šleáđgapoasttain”, muitala Hotari.

Sirdáseapmi báberpoastta vuostáiváldimis elektrovnnalaš virgeoapmahašpostii gáibida nuppástusaid iežas hájánumiide. ”Elektrovnnalaš poastakássa gánneha čuovvut seamma láhkai, go fysalaš poastakássa geaidnuguoras. Oaččut almmuhusa ođđa elektrovnnalaš sánis iežat šleáđgapostii. Maiddá Suomi.fi-áppa almmuha ođđa sánis, jos leat váldán áppa atnui. Digitála poastta ávkin lea, ahte dohko boahťan poasttaid sáhtá lohkat gos ja goas beare”, áiccalmahtá Hotari.

Maid jos háliida virgeoapmahašpoastta boahtteáiggisge báberpoastan?

Digitála virgeoapmahašpostii sirdáseapmi ii dárkkut dan, ahte giige ii sáhtášii boahtteáiggis vuostáiváldit virgeoapmahaččain poastta báberreiven.

”Vaikko Suomi.fi-sániit boahtá atnui identitehta duođašteami oktavuodas jagis 2026, lea geavaheaddjis, jos son háliida, vejolašvuohta sirdásit ruovttoluotta báberpoastta vuostáiváldin”, muitala Hotari.

Jos geavahas lea Suomi.fi-áppa, lea dehálaš muitit, ahte áppa eret bidjan ii heahttit diehtobálvalusa anu. Almmuhusa máhccamis báberpoastta vuostáiváldin galgá dahkat Suomi.fi-sániid ášahasain dahje, nu ahte váldá oktavuodá Digi- ja álbmotdiehtodoaimmahaga áššehasbálvalussii. Nuppástusa sáhtá dahkat easkka Suomi.fi-sániid atnuiváldima maŋŋá jagis 2026, ii ovddalgihtii.

Válljen báberpoastta vuostáiváldimis bissu fámus jahkebeali hávil. Jos jahkebeali maŋŋá duođašta ođđasit identitehta virgeoapmahaččaid áššiiddikšunbálvalusain, Suomi.fi-sániit boahtá ođđasit atnui.

Dalle jos háliida, olmmoš sáhtta maiddái ieš goas beare váldit Suomi.fi-sániid ođđasit atnui go luđe geavahussii Suomi.fi-áppa dahje čujuhusas suomi.fi/viestit.

Láhkanuppástus válmmaštallojuvvo ruhtaministerijas

Buot virgeoapmahaččaid sádden poasttat eai goittotge boađe digitálalaččat Suomi.fi-sániide, daningo oassi virgeoapmahaččain sáhtta geavahit elektrovnnalaš diehtujuhkimiid maiddái eará digitála kanálaid. Daid birra mitaluvvo guđege organisašuvnna bálvalusa oktavuodas.

Stáhtaministerija válmmaštallá aiddo dál láhkanuppástusa, mii attášii vuostáiváldái friijavuoda válljet, man digipoastabálvalusa bokte háliida lohkat virgeoapmahaččaid diehtunaddimiid ja eará sániid, maid virgeoapmahaččat sáddejít. Válljenfriijavuoda dahkan vejolažžan gáibida maiddái teknihkalaš ovdáneami, mat válmmaštallojit aiddo dál.

Vel jagi 2026 álggus vuostáiváldi ii sáhte ieš válljet, gos son háliida lohkat virgeoapmahaččaid sádden poasttaid. Dát vejolašvuohta lea válmmaštallamis ja ollašuvvá easkka maŋnelabbos, jos láhkaevttohusat dohkkehuvvojít.

Lassedieđut

Digi- ja álbmotdiehtodoaimmahat, prošeaktahoavda Annette Hotari, t. 0295 535 028, ovdanamma.sohkanamma@dvv.fi

Digi- ja álbmotdiehtodoaimmahat, Suomi.fi-sániid bálvalanoamasteaddji Maria Juka-Lahdenperä, t. 0295 535 334, ovdanamma.sohkanamma@dvv.fi

Ávkkálaš liŋkkat

Lassedieđut Suomi.fi-sániin: <https://suomi.fi/fi/viestit> (suomagillii)

Lassedieđut Suomi.fi-identitehta duođašteamis: <https://www.suomi.fi/ohjeet-ja-tuki/tunnistus/mika-on-suomifi-tunnistus> (suomagillii)

Suomi.fi-sániide poastta sáddejeaddji organisašuvnnat: <https://www.suomi.fi/ohjeet-ja-tuki/viestit/suomifi-viesteja-kayttavat-organisaatiot-ja-palvelut> (suomagillii)

Ná válddán Suomi.fi-sániid eret anus: <https://www.suomi.fi/ohjeet-ja-tuki/viestit/viestien-kaytto/viestien-kayton-lopettaminen> (suomagillii)

Mielddus 1. Áiccalmahttingovva, mo Suomi.fi-sánit boahká atnui nana identitehta duođašteami oassin almmolaš hálddahusa elektrovnnalaš bálvalussii jagi 2026 álggu rájes:



Mielddus 2: Lassediedut

Maid nuppástus oaivvilda?

- Go dievasahkásaš olmmoš duodašta identitehta jagi 2026 álggus dahje dan manjá vuosttas háve muhtun almmolaš hálddahusa elektrovnnalaš áššiiddikšunbálvalusas, sutnje boahtá atnui Suomi.fi-sánit dahjege elektrovnnalaš poastakássa virgeoapmahašsániide.
 - Almmolaš hálddahusa áššiiddikšunbálvalusat leat ovdamearkan gieldda, stáhta virgeoapmahačča dahje buresveadjinguovllu áššiiddikšunbálvalusat.
- Suomi.fi-sánit boahtá atnui buohkaide, geat dikšot áššiid digitálalaččat ja eai leat vel árabut váldán bálvalusa atnui.
- Suomi.fi-sániide boahtá poasta elektrovnnalaččat mánggain sierra virgeoapmahaččain. Seamma reivvet eai šat sáddejuvvo báberpoastan.
- Jos divššot áššiid fitnodaga dahje nuppi olbmo beales, Suomi.fi-sánit boahtá atnui dutnje alccet – ii dan olmui dahje fitnodahkii, man beales leat mannamin dikšut áššiid.

Ávkkit álbmotlahttui ja virgeoapmahažžii

Suomi.fi-sánit

- jođálmahtta ja álkidahtta diehtajuohkima
- lea álo geavahusas: sániid sáhtta lohkat gos ja goas beare
- seastá áiggi
- geahpeda almmolaš hálddahusa goluid ja báhpára geavahusa.
- almmuha ođđa virgeoapmahašpoasttas sihke šleađgapoastta ja Suomi.fi-mobiilaappa bokte.

Naba jos háliidan báberpoastta?

- Suomi.fi-sánit ii boade atnui, jos it geavat virgeoapmahaččaid elektrovnnalaš bálvalusaid. Dalle oaččut boahhteáiggisge virgeoapmahašpoastta báberpoastan.
 - Amma fuobmát, ahte oassi virgeoapmahaččain sáhtta geavahit elektrovnnalaš diehtjuohkimii maiddái eará digitála kanálaid.
- Nuppástus ii guoskka vuolleahkásaččaid iige olbmuid, geain lea ovdogohccin.
- Suomi.fi-sániid atnuiváldima manja sáhtta sirdásit ruovttoluotta báberpostii, go nuppástahtta ášahusaid. Válljejummi lea fámus jahkebeali ain hávil.

Mo elektrovnnalaš sániid sáhtta lohkat?

- Sáhtat lohkat Suomi.fi-sániide bohtán virgeoapmahašsániid Suomi.fi-mobiilaáppas dahje go sisačálihat Suomi.fi-neahttabálvalussii ja sirdásat doppe oassái "Viestit" (sánit).
- Identitehta duođašteapmi dáhpáhuuvvá bárkodovddaldagaiguin, mobiilannehusain dahje persovdnakoartta elektrovnnalaš nannehusain.
- Oaččut almmuhusa iežat šleađgapostii álo, go dutnje bohtá Suomi.fi-sániide ođđa sátni.
- Oaččut almmuhusaid bohtán sániin maiddái Suomi.fi-mobiilaáppas, jos leat luđen áppa atnui.

Sáhtat maiddái váldit Suomi.fi-sániid atnui čujuhusas <https://suomi.fi/viestit> dahje, nu ahte luđet atnui Suomi.fi-mobiilaáppa.

DUOGÁŠ

Mii lea Suomi.fi-sánit?

Suomi.fi-sánit lea diehtodorvvolaš elektrovnnalaš poastakássa, mii buhte báberpoastta bokte bohtti virgeoapmahašpoastta. Bálvalusa geavahit mánggat virgeoapmahaččat ja mearri lassána ollesáigge. Bohtán sániid sáhtta lohkat Suomi.fi-mobiilaáppain dahje, nu ahte duođašta identitehta Suomi.fi-neahttabálvalusas čujuhusas <https://suomi.fi>. Ná bohtán poastta sáhtta lohkat, gos beare jođátge. Suomi.fi-sániide sáhtta sáddet maiddái dakkár persovdnadieđuid sisttisdoalli sániid, maid ii oaččo sáddet šleađgapoasttain.

Almmuhusat ođđa sániin bohtet šleađgapoastačujuhussii, man geavaheaddji lea almmuhan bálvalussii. Suomi.fi-mobiilaáppa geavaheaddjit ožžot almmuhusa maiddái njuolga áppa bokte.

Golgotmánus 2025 Suomi.fi-sániid geavaha juo badjel 2,2 miljovna olbmo.

Suomi.fi-sániid oážžu atnui go luđe Suomi.fi-mobiilaáppa dahje duođašta identitehta čujuhusas <https://suomi.fi/viestit>. Identitehta duođašteapmi dáhpáhuuvvá bárkodovddaldagaiguin, mobiilannehusain dahje persovdnakoartta elektrovnnalaš nannehusain. Go váldá Suomi.fi-sániid atnui, oážžu boahhteáiggis maiddái mánggaid sierra virgeoapmahaččaid sádden poastta elektrovnnalaččat.

Lassedieđut Suomi.fi-sániin: <https://www.suomi.fi/ohjeet-ja-tuki/viestit>

Man birra lea gažaldat, go sirdásit digitála virgeoapmahašdiehtjuohkimii?

Suopma sirdása muttuid mielde elektrovnnalaš virgeoapmahašdiehtjuohkima guvlui. Jagi 2026 álgu rájes virgeoapmahašpoasta doaimmahuvvo ovdasajis digitálaččat buohkaide, geat dikšot áššiid elektrovnnalaččat. Virgeoapmahaččaid elektrovnnalaš áššiiddikšunbálvalusaide sisačáliheaddji dievasahkásaš olbmot ožžot Suomi.fi-identitehta duođašteami oktavuodas almmá sierra miehtama haga atnui Suomi.fi-sániid, jos olbmot ii leat juo bálvalus geavahusas.

Sii, guđet eai sáhte geavahit digibálvalusaid, ožžot boahhteáiggisge virgeoapmahašpoastta báberpoastan, jos eai ieža vállje nuppe láhkai. Elektrovnnalaš dieđuid vuostáiváldima sáhtta maiddái gaskkalduhtit go almmuha áššis, dalle sánit sáddejuvvot fas báberpoastan. Jos olmmoš, guhte lea válljen báberpoastta, joatká elektrovnnalaš áššiiddikšuma, sutnje ráhkaduvvo mearreáiggi manja ođđasit elektrovnnalaš poastakássa Suomi.fi-sániide.

Sirdáseapmi digitála diehtjuohkimii buktá mearkkašahtti ávkkiid. Dat seastá servodaga váriid logiid miljovnnaid euroid ovddas jagis ja álkidahtta árgga. Virgeoapmahašpoasttat leat johtilit oážžumis, gávdnojit ovttá sajis ja leat álo geavahusas.

Jagi 2026 álggu rájes virgeoapmahašpoasta doaimmahuvvo ovdasajis Suomi.fi-sániide buohkaide, geat dikšot áššiid elektrovnnalaččat. Suomi.fi-sániid lassin álbmotlahtuide sáhttá ain bohtit virgeoapmahaččain poasta maiddái eará digitála kanálaide, jos olmmoš lea váldán daid atnui.

Manjelabbos jagi 2026 áigge lea dárkkuhussan, ahte olmmoš sáhtášii válljet virgeoapmahašpoastta vuostáiváldinbáikin Suomi.fi lassin maiddái muhtun eará digipoastabálvalusa, mii deavdá virgeoapmahaččaid diehtujuohkimii ásahuvvon diehtodorvo- ja eará gáibádusaid. Válljenfriijavuohtha gáibida láhkaásaheami ja tehnikkalaš ovdáneami, mat leat easkka álggus.

Loga lasi: <https://dvv.fi/digi-ensin-hanke>